

金
陵
梵
刹
志

金陵梵刹志卷二十二

中刹青溪鷲峰寺

古刹勅賜

在都城内中城鈔庫街南青溪地西南去所統天界寺
五里齊爲東府城梁爲江總宅唐乾元中刺史顏魯公
置放生池東接清溪宋淳熙間待制史正志移於清溪
之曲建閣其上歲久湮沒 國朝天順間卽其地建寺
賜額鷲峰寺後有塘屬內監相傳爲放生遺址以教坊
毀菴隙地易之併構一椽祀魯公而重勒其碑文以存
舊蹟寺記稱舊爲梁法光寺法光卽鹿苑寺亦近清溪
但按鹿苑記云聖像卽山而成今鷲峰絕無山恐非是

且迴光寺記中亦謂是鹿苑豈因其地相近而悞入耶
所領小刹曰迴光寺千佛菴大中正覺菴

殿堂金剛殿參左鐘樓壹座右鼓樓壹座天王殿參左伽藍

殿參右祖師殿參正佛殿參左觀音殿參右輪藏殿

櫃參毘盧閣參迴廊參僧院貳拾禪院貳拾基址拾畝

東至官路 西至民家房
南至官路 北至高鑪廠 **附**顏魯公祠參

公產租房壹拾地伍畝朱陸間地伍厘

山水青溪輿地志云後湖水迤邐西出至今上水關皆名青溪按溪有九曲寺地亦青溪之曲也

古蹟放生池顏魯公置史待制改建於此蹟已久湮沒今寺後有塘一口相傳爲放生池因復之

以存其蹟 **顏魯公書放生池碑**今重刻 **附**江總宅卽寺基 清

溪閣

宋史待制正志
建於放生池上

割青亭

宋段約宅取荆公詩割
我鍾山一半青之句

文 奉詔立放生池碑

唐昇州刺史顏真卿

顏真卿字清臣嘗受戒於湖州慧明又問道於江
西嚴峻乾元三年肅宗置天下放生池八十一所

公奉詔
立碑

昔殷湯克仁垂一面之網漢武垂惠致含珠之報流水救
涸寶勝稱名蓋事止於當時尚介社於終古豈我今日動
者植者水居涸居舉天下以爲池罄域中而蒙福乘陀羅
尼加持之力竭煩惱海生死之津揆之前古曾何髣髴

乞御書天下放生池碑額表 唐昇州刺史顏真卿

臣某言臣聞帝王之德莫大於生成臣子之心敢忘於讚

述臣去年冬任昇州刺史日屬左驍衛左郎將史元琮等奉宣恩命於天下州縣臨江帶郭處各置放生池始于洋州興道訖于昇州江寧秦淮太平橋凡八十一所恩霑動植澤及昆蟲發自皇心徧於天下歷選列辟未之前聞海隅蒼生孰不欣喜臣時不揆愚昧輒述天下放生池碑銘一章又以俸錢於富州採石兼力拙自書蓋欲使天下元元知陛下有好生之德因令微臣獲廣昔賢善頌之義遂絹寫一本附史元琮奉進兼乞御書題額以光揚不朽緣前書點畫稍細恐不堪經久臣今謹據石學窠大書一本隨表奉進庶以竭臣下懷悽之誠特乞聖恩俯遂前情則

天下幸甚豈惟愚臣昔秦始皇虐之君李斯邪諂之臣
猶刻金石垂於後代魏文帝外禪之主鍾繇偏方之佐亦
於繁昌立表頌德况陛下以巍巍功業而無紀迹則臣竊
耻之謹昧死以聞伏增戰越

肅宗御荅朕以中孚及物亭育爲心凡在覆載之中畢登
仁壽之域四靈是畜一氣同知江漢爲池魚鼈咸若卿慎
徽盛典潤色大猷能以懿文用刊樂石體含飛動韻合鏗
鏘成不朽之立言紀好生之上德唱而必和自古有之情
發于中予嘉乃意所請者依

青溪閣記

宋朝奉郎張椿

青溪閣在府治東北青溪上本梁江總故宅至國朝爲段約之宅有亭曰割青取荆公詩割我鍾山一半青之句乾道五年秋因移放生池於青溪之曲卽割青故基建閣焉天下山川勝處古今相承往往隨人廢興得其人者雖雲煙草木皆有憑恃德名高自標致亘萬古而不可泯沒之也如其不然亦復憔悴悽愴風悲雨暝過者爲之黯然而山川因人而興者亦不多有孟城北垞本宋延清之別業香山履道之坊蓋楊虛受之故宅王白二公乃發其名而傳後世使其地靈氣英而無人傑以當之亦將錄錄蒙昧不復傳矣金陵古帝都也青谿數曲近在城中晉則爲郗

僧隨之所領覽陳則爲江總持之所據依二人者聲名震
耀胃次丘壑一時游從見於歌詠異時段氏結廬其上王
半山詩之而割青之名遂振兵火後走鼉鼉埋荆棘獨取
給於漁師老圃之用鍾山之秀無復照映此谿之上今大
帥史公繇甘泉法從宅牧畱京政修戶庭而人自得於一
路十州之外凡地之勝與景之殊者悉表出之六朝以來
人物事迹搜訪具備覺山川益奇登覽益多而聞見益廣
至是青谿數曲之地足歷而心營之因柳堤之舊築層閣
之新忽若飄浮上臨雲氣環城之山畢出斬露朝滴夕嵐
煙顏雨態盡得於指顧之內公聽訟之餘風清月白蘭橈

盡舫時往來其間無紅旗穿市之勞有延綠混碧之觀龜魚禽鳥欣榮飛躍鳴聲下上而自喜得所遇焉是可爲青谿賀也一日公顧謂客曰夫豈以游樂故而爲此哉予之意殆非也嘗迹建康志顏平原爲昇州日據石壁窠大書奇字以紀乾元放生池者蓋自江寧秦淮連太平橋並江帶郭皆禁網捕所以宣皇明而廣慈愛也今青谿之地延袤數里蒲蓮葭葦聯蔓葳蕤潛深伏奧依戲藻荇不知其幾千萬億皆欲使之遂性咸若圉圉洋洋游泳恩波以祈兩宮萬年之壽此予之理是谿創層閣而以時往來其間者連平原之志舉乾元之實而效藩臣之精愷者也客聞

而嘆乃酌而請曰以公修名推望持橐偃藩深爲聖天子
器重四方之士知公推轂後進桃李滿門願一見公者日
有其人而公寓意幽討寄興滄洲峴山南樓比迹羊庾又
能展廓是谿涵濡品類使鳧鷖行哺鷗狎不驚而盡所以
鄉慕古人尊君愛上之意則是谿之遇寧有既乎谿之遇
公固得其所公方且以宏遠之慕經畧中原勒功彝鼎公
則有時而去也公去而位愈尊而谿之名愈大矣可不記
歟椿於公爲門下士乃據其實而書之公名正志字志道
南徐人乾道己丑中秋日右朝奉郎權發遣和州軍州主
管學事兼管內勸農營田屯田事借紫龍舒張椿記

放生池記

宋景定建康志

案舊圖經唐乾元中詔於江寧秦淮太平橋臨江帶郭上下五里置放生池八十一所有碑昇州刺史顏真卿文舊以府治東東接青溪北通運瀆者爲之舊志今秦園之側府學之東卽古放生池也淳熙間史待制正志移放生池於青溪建閣其上遇祝聖立班閣下府學遂因舊放生池爲泮水其流亦通青溪王尚書埜以其池乃祝聖之地立板榜於舞雩亭門禁漁捕池近行路水深而堤不固時有溺死者馬公光祖聞而憫之池名放生豈容有溺死者乃命能仁寺僧築堤甃街立大木爲欄檻自是無溺者矣又

修闢青溪閣前爲飛梁繚以朱欄深迥汪洋塵迹莫能到也

鷲峰寺碑記畧

明禮部尚書杭郡鄒幹

都城秦淮之南有地曰清溪舊有法光禪寺建自梁武帝天監年歷唐宋以來歲久廢毀遺址猶存 國朝天順間進公保開拓舊址重新構造佛殿三間翼然嚴正簷牙棟宇遠近相望殿之前四天王殿殿之後有毘盧閣左廡之半建觀音殿簇以畫廊二十餘間右廡之半建藏經殿亦簇以畫廊二十餘間俱彩繪其壁東廊之前爲鐘樓西廊之前爲鼓樓樹以碑銘又於正殿之東闢地數畝建佛堂

方丈以爲講經之所飯僧有堂庖福有所棲僧有寮退居
有舍池塘遶其後金城抱其左歲戊子工克告成特 賜
鷲峰禪寺 成化三年十一月日

復顏魯公放生碑

蹟併崇
祀小記

明南祠部郎錢塘葛寅亮

唐乾元詔置放生池於昇州秦淮刺史顏魯公爲文記之
又表請御書題額宋制使馬公光祖徙池於青溪之曲建
青溪閣溪曲凡九湮塞僅存其一鷲峰寺寔古青溪曲中
宋卞彬謁齊高帝東府曰以青溪爲鴻溝光祖之詩曰江
家宅畔成花圃東府門前作菜園邑志稱鷲峰卽古東府
城處今寺後有陂塘數畝萊隴千畦與蓮地蘭扁分青映

綠彷彿光祖當時所見而塘亦相傳放生遺蹟卽數百年
來陵谷遷變未遽信然第此處青溪一帶尺寸之波惡知
非舊派所流而搜討湮沒寧使遺憾因詢斯塘爲內監所
轄以教坊隙地相與抵易當時臨江帶郭上下五里而今
僅一區亦存千百於什一耳獨池復而魯公之碑垂波薶
露曾不得其殘痕半字拂蘇讀之臨風賞快如公純忠壯
節標烈騰景千古有生氣忍俾沒沒使人不見其風流乃
重撫其文勒之石併構一椽池上以祀公焉嗟呼鄴令之
渠興思異代顯陵之策終見嵩山志復古者將毋摩娑其

下

過青溪王昌齡宅

唐常建

青溪深不測，隱處唯孤雲。
松際露微月，清光猶爲君。
茅屋宿花影，藥院滋苔文。
予亦謝時去，西山鸞鶴羣。

青溪草堂閒興

南唐李建勳

牕外階連水，松杉欲作林。
自憐超競地，獨有愛閒心。
素壁題堪遍，危冠醉不簪。
江僧暮相訪，簾捲見秋岑。

青溪

宋馬光祖

人道青溪有九曲，如今一曲僅能存。
江家宅畔成花圃，東府門前作菜園。
登閣自堪觀疊嶂，汎舟猶可醉芳樽。
料應當日皆無恙，若雪瀟湘不足言。

青溪閣本梁江總故宅 宋徐照

葉脫林梢處處秋，壯懷易感更登樓。
日斜鍾阜煙凝碧，霜落秦淮水慢流。
人似仲宣思故國，詩如杜老到夔州。
十年前作金陵夢，重撫闌干說舊遊。

晚步清溪上

明宋濂

溪色涵膏綠，溶漾正堪餐。
十步九還辟，清芬襲肺肝。
渚牙既戢戢，岸花亦萋萋。
漚漚近宜狎，賁魴清可捫。
流念梁陳際，甲第繞其垣。
南澨綺錢結，北津銅網繁。
倒景浸寥曠，蒸氣濕鉛丹。
有時作清遊，肅舸輸軒尊。
泛爵溢朱組，筵筵到蟬冠。
荆偈逞妍曲，秦豔發清彈。
唯恐懸象墮，不憂芳年單。

繁華隨逝水崇替起哀歎黃鳥背人飛響入華林園

清溪

明焦竑

宛轉清溪步扁舟曲曲通竹煙籠罨畫花雨澹冥濛豔雪
歌蟬墮澄金酒蟻空良遊不知倦遙夜水雲中

小迴光寺

古刹

在都城南隅中城地東北去所領鷲峰寺一里梁天監
間創蕭子雲飛白大書寺額名蕭帝寺唐保大中改法
光寺宋太和中改鹿苑寺一云鷲峰是其址今互存之
國朝永樂間有迴光大士自西域至重建改今額寺在
教坊內道所必由今爲另闢他塗復有孔雀道堂寶塔

諸菴悉移徙之而淨穢於此始別云

殿堂山門

壹

金剛殿

壹

右關聖殿

叁

右大悲殿

伍

右天

妃殿

壹

正殿

叁

左五顯殿

叁

伽藍殿

壹

右玄帝殿

叁

祖師殿

壹

藏經閣

叁

左觀音殿

叁

右地藏殿

叁

禪堂

僧院

肆

基址伍拾丈

東至徐府關
南至紙匠營

西至官街
北至官街

鹿苑寺記略

宋元絳

金陵氣王三百年聲明文物與時隆替中間惟蕭梁折節以佞佛故佛之廟貌充斥江表都城巽維直淮里所有精舍焉紫峯紆餘反宇欲翔盤高孕虛舍吐萬景望之輝然如修虹巨霄丹碧相發殿有聖像卽山而成追琢之功極

其精妙案輿地志不知從昔之名但後人以帝氏目之黃
旗運歇勢勝故在閩唐攘據因其跡而增華易榜法光標
爲齒概聖朝混一書軌以三代文教蕭勺宇內四聖累洽
浸厚福於生民梵刹禪林容仍舊物而茲寺垂地瘁焉不
支已卯春寺僧募大姓杜德明出赀金五十萬程工就其
址起高廣殿水堦不移焚燎有嚴光輝復還風物異態又
粉繪釋迦文相卽山塑十六大尊者生生之供稱是該備
其秋告成乃作鍾唄蒲殮以落之道俗和會圓視作適青
溪之水木鍾阜之雲物來入軒庀相爲澄曠都人詫焉有
條其狀而至者會同問趙郡李君從事海瀕謂余有一日

之雅授簡不腆且曰欲以新志累子追惟勝冠茲仕彼都
與故濮陽吳嗣復昌卿並遊其地霑醉撫翰刻名楹間晦
明颺馳蓋四十八甲子老龍死矣靈光巋然齋咨舊游悅
若夢覺今之辱請可沒其媿乎月而日之庶以傳久康定
二年三月八日記

重修迴光寺碑畧

明太常少卿浚儀邢一鳳

夫收神長寂內境顯昭融之像歛照無爲靈臺長智慧之
芽頭頭是道重重發光故色與空並列內卽外以無殊此
金陵迴光寺之所由名也寺在梁大監爲蕭帝寺在宋太
和爲鹿苑寺東繞秦淮之通壑西屬周處之崇臺萬雉之

城南臨雙鷲之闕北拱延袤數里勝槩一方斷碑於鼎足
之形磨文照蝌蚪之蹟雖代遠而傳疑實據是而徵信唐
之中葉遽厄兵燹續經補葺僅存數畝迨我 國朝永樂
初有迴光禪師者生由西域來屆中州推五行以緣聰詰
慧日重輪卽群有以拯墊昏憇雲大蔭杯屢渡於龍江錫
爰止於鹿苑時 大報恩寺告成以羨餘修飭此寺因改
稱今額焉及 武帝南巡駕幸茲藍忽有一僧從寺而出
上與談道圓對不窮其偈曰可惜幽虛青蓮地不見迴光
舊主人書竟俄失所在 皇帝悟曰豈所謂迴光禪師者
耶 命西域僧緡印度真文以識其事由是緡素稍復崇

信云嘉靖甲子僧雲谷講經于堂遠企清芬每深於邑緇
懷高躅欲象來儀搗匠氏以開金容引緇衣而瞻睟表至
誠交感寶相業成思丈室爲安居慨茲宇之日敝居無何
而示寂惜有志而未遑奄忽春秋益漸傾圯仰微兼棟俯
乏完廉墜剝黜沈廊蕪壁薛嗟乎金剛無性固假修爲而
瓦礫有情能亡銷歇者哉是以奕世闕然難乎貫舊曠時
胥應曷厭維新主僧方祥踵雲老之遺風揖光師之懿範
刻意重修苦心創募掄材神運匆匠子來禪棲穩而無事
荆班象設嚴而何煩茨庇旣成堂構復事永圖於以昭引
苾芻甄陶法器尊延珪壁培養善根嗚呼舉墜典于已隳

後先交映續真詮于垂盡淨染皆融闍黎之軌範常存鷲嶺之煙霞如故則茲寺也燈燈相續光燭陪都鉢鉢相傳風流帝域豈如徒誇蕭寺之名未覩鹿苑之勝也哉
萬曆改元歲孟春記

小刹千佛寺

在都城聚寶門內中城水軍所地東北去所領鷲峰寺二里洪武初建歲久傾圯近重修

殿堂山門

參

三聖殿

參

大佛殿

伍

僧院

壹

禪堂

參

基址

參畝

小刹大中正覺巷

在都城內中城大中橋南去所領鷲峰寺二里

殿堂山門

參佛殿

參僧院

壹房基址貳畝

東至官街

南

至官街北

至丘家房

金陵梵刹志卷二十三

中
刹承恩寺

耕賜

在都城內鍼功坊地西南去所統天界寺四里舊內旁
王御用監故宅景泰間改爲寺仍勅賜額名近加修
葺禪院改建於大殿之後山門內沿徑新植松杉欄楯
鬱然增麗所領小寺曰亭子巷觀音菴佑國菴傘巷觀

音菴

殿堂大山門

楹壹

金剛殿

楹叁

天王殿

楹叁

正佛殿

楹伍

左觀音

殿

楹叁

伽藍殿

楹壹

右輪藏殿

楹叁

祖師殿

楹壹

迴廊

楹拾

方

丈壹所

楹拾貳

僧院

肆拾捌房

基址壹百米拾貳丈

東至舊內門

南至三山街 西至官街
北至舊內園橋

禪堂大門

壹楹

禪堂

伍楹

十方堂

參齋堂

壹楹靜室

肆楹厨庫

伍楹

公產向南廊房

壹拾壹間

房地

肆間半

向西廊房

貳拾間

房地

壹拾拾

壹間

禪堂向南廊房

壹拾貳間

向西廊房

壹拾貳間

藏經護勅

文同天界

景泰三年六月十五日

文承恩寺記略

明南翰林學士晉陵王儼

承恩禪寺在南京

舊內之旁前御用監王公瑾之故第

公既歿改宅爲寺

勅賜今額而復裒其餘資加繕治焉

寺袤五百有四十尺廣殺其袤二百尺有奇其東北皆附

禁垣南關山門門側列肆餘七十楹連櫺以達於西皆俯

臨通衢歲入餽費以滋焚修而復其廡租由山門入施重門以次爲殿者六位置中嚴而翼以鐘樓繚以廊廡他凡禪堂丈室僧廬以至齋庖庫庾之所又百二十有四楹大抵皆因其舊而增新之而易其椽桷加以旂署崇彼象設遂密靚雅足觀矣 成化三年七月

小判亭子巷觀音菴

在都城內中城地西去所領承恩寺一里

殿堂諸天殿

參

大佛樓

參

僧院

貳

基址壹畝

東至官巷南至官巷

西至潘家巷北至曹家房

小判佑國菴

在都城內淮清橋中城地南去所領承恩寺一里卽
國初逍遙樓址永樂間欽 賜永康侯後建菴雲水相
聚樓泊不常今募建潮音閣漸拓舊宇

殿堂關聖殿

參極

正佛殿

參極

潮音閣

參極

僧院

壹房

基址貳畝

東至井巷 南至清溪河
西至銀定橋 北至永府塘

建立潮音閣疏

明南國子博士臧懋循

蓋聞欲證菩提之果必種福田將弘利益之門須修淨土
顧大事匪資獨力而善緣共結同心謹列勝因爰求月捨
有佑國菴者我 國初逍遙樓故基也虹橋東界源通淮
水之清鴈塔南窳氣擁鍾陵之紫自 皇輿之改御旣慶

域之空畱二百年夜舞朝歌恍如疇昔幾千武金臺玉樹
盡入銷沉每經瓦礫之塗何限美牆之感永府繇華閱智
啓慧輪以六代代興皆不廢雨花之地况三山山立猶堪
成選佛之場了凌欲界而樹旃檀闢鬻塵以開正覺前莊
武安妙相護法攸存後供世尊如來闡化斯在左營香積
右結禪棲雖茲芥子之區儼若蓮花之境首僧明成戒行
無闕薰修有聞念象教之陵遲愍龍宮之湫溢矢心方便
殫力經營將鳩銖寸之餘重建潮音之閣俯睇則紅塵四
合見三市之盈虛仰瞻則紫禁千尋連九重之峭蒨庶以
祈奉佛寶普濟羣迷而檀施尚疎慈願未滿特謁居士用

伸片言於是躬捐微貲手創短疏斬我大衆投此藁林悟
夙生多寶之良緣舉長者布金之盛事凡國將凡宰官凡
婆羅釋種並屬幻身或銀錢或米麥或纓絡紗衣元非私
物施財施法共培善業之根去怯去貪勿蹈癡頑之網務
使淨居巍構梵宇崇觀振錫者悉爾皈依傳燈者于焉萃
止躡扶鼎願別題孝綽之詞鴿繞翠鷄更表景明之額縱
復高天鑠於燦炭大地淪於積流而祇園姓名固已等斯
文之不朽靈山面目終當歷浩劫以長圓

小 傘巷觀音菴

在都城內錦衣衛中城地東南去所領承恩寺二里

殿堂 韋馱殿

參

佛殿

參

右火神殿

壹

大

僧院

壹

基址

壹

畝

東至醫學
西至官巷

南至官街
北至于水管

金陵梵刹志卷二十四

中利普緣寺

古刹 勅賜

在都城西北神策門內北城地南去所統天界寺十五里晉名耆闍寺成化十九年僧能智重修奏賜今額所領小刹曰唱經樓普賢菴

殿堂金剛殿

魚

正佛殿

伍

毘盧閣

魚

玄帝殿

魚

僧院

朱

基址捌畝

東至官街西至城牆

南至營房北至內厰田

人物陳安廩

有傳略

耆闍寺安廩傳略

高僧傳

釋安廩妙思滔玄怡心屈寂製入神書一首洞曆三卷青

烏之道莫不傳芳廩幼而聰穎獨悟不羣攝以典教業遂
多通而性好老莊早達經史又善太一之能并解孫吳之
術是以才藝有功文武清播仍欲披榛問隱葺門圭竇而
虛懷機發體悟真權年二十五啓勅出家乃遊方尋道北
詣魏國於司州光融寺容公所採習經論容律訓嚴疑肅
成濟器并聽嵩高少林寺光公十地一聞領解頓盡言前
深味名象並畢中意請業之徒屢申弘益梁泰清元年始
發彭沛門人擁從還屆揚都武帝敬供相接大陳御寓永
定元年壽乃請入內殿手傳香火接足盡虔長承戒範有
勅住耆闍寺給講連續既會夙心遂欣久處世祖文皇又

請入昭德殿開講大集樂說不窮重筵莫擬孝宣御曆又
於華林園內北面受道闡化法勞因以構疾至德元年建
寅之月遷化于房皇心惻悼賻贈有加卽以其月窆於開
善之西山門人痛其安放士庶失其歸依矣

詩

陪衡陽王遊耆闍寺

陳張正見

甘棠聽訟罷福宇試登臨
兔苑移飛蓋王城列玳簪
階荒猶累玉地古尚填金
龍橋丹桂偃鷲嶺白雲深
秋憲被旅薦夏戶響山禽
清風吹麥壟細雨濯梅林

與張折衝遊耆闍寺

唐孟浩然

釋子彌天秀將軍武庫才
橫行塞北盡獨步漢南來
貝葉

傳金口山樓作賦開因君振嘉藻江楚氣雄哉

小刹唱經樓

在都城内北門橋北城地北去所領普緣寺 里 國朝 仁孝太后建經樓唱念佛曲化導愚氓嘉靖庚寅僧惠曉募緣重葺

殿堂唱經樓

壹楹

小佛殿

叁楹

僧院

壹房

基址貳畝

東至官街南至官街

西至官街北至劉家房

小刹普賢菴

在都城内北城通賢橋地西北去所領普緣寺 里

殿堂山門

叁楹

正佛殿

叁楹

僧院

壹房

基址壹畝

東至官街南至官街

西至梅府
北至官街

金陵梵剎志卷二十五

中剎 吉祥寺

古剎 勅賜

在郭城東北定淮門內北城水軍左衛地南去所統天界寺十三里勝國時爲天妃廟永樂初奏建改寺萬曆間僧具慶募修按金陵志宋有吉祥寺治平二年賜額疑卽此

殿堂金剛殿

冬

天王殿

冬

天妃殿

冬

左鐘樓

冬

大佛殿

伍楹方丈

壹

僧院

陸

禪堂

冬

基址參拾伍丈

東

宮街

西至官街

北至古林巷

文 重修吉祥寺碑

明修撰秣陵焦竑

蓋聞知言說之本空者因言可以闡教了色相之無礙者
卽相可以明真故僧會遊吳法蘭入洛精廬表於南國招
提創自東都詎非以竹林檀閣目擊道存柰苑祇園因敬
生悟者哉或者謂理超生滅之界卽建立皆有漏之因道
絕形識之封則像教非無爲之旨是一隅之淺智非通
人之大觀者矣何者法之爲言也貫有無等空色融理事
混中邊諸佛體之則三菩提菩薩修之則六度行海會變
之爲水龍女獻之爲珠天女散之爲無着花善友求之爲
如意寶故風柯月渚總靈機鋒蘚徑羅龕咸提宗趣豈以
象巖窈窕非解脫之玄宗龍藏森嚴悼尸羅之劫躡者哉

吉祥禪寺者勝國時天妃廟在焉北接鳳凰之嶺形勢逶迤南亘清涼之山几按迴薄東則鍾陵標舉雲縉之所出沒西則馬鞍低控江濤之所激蕩兼之修竹萬筒挾淇園之遺蹟舊桃千樹藏武陵之舊事誠南都幽勝處也永樂初增置爲寺 朝廷降敕護之正統辛酉住持智能復加修葺迄今百四十年矣開林薙草古非乏人紐業承基久難其續尋至榱椽漸毀經像無依此緇素之所共惜人天之所興歎也釋真慶者一心凝練五衆宗推萬曆以來總持茲寺傷智懂之欲折思戒寶之將沉矢志選材庀徒作室時則景仰者聞風助道效力者說以忘勞重開方便之

門大啓圓明之域遂令三身毓爽四殿肇新雲退寒巖出
鈴閣山堂之妙月來湛水現鍾臺壠樹之奇蓋不必借座
燈王請飯香土而洛水西書之頌芳園華蓋之祠庶幾其
不墜已是役也徐君承宗顧君其言李君紹者提萬戶之
侯印契三乘之聖諦率眾相工旣殫厥力詣余謀伐石紀
之余也佩伽佗之一丸飲耨池之八味高談寥一古則愧
漆園翁深入不二今則非維摩詰第以遺民棲荆於蓮社
玄風拾椽於構林嘗沐無緣之慈忻觀可久之業寓言頌
禱敢辭篆刻之勤垂示來茲永作津梁之助其詞曰攸攸
法界芒芒品類智惠停輶無明縱轡癡城恚海情竅意率

疇擊其蒙疇覺其寐

其一

猗歟大雄乘運而興高披六度妙

演三乘開茲闇室示以心燈聲聞色見彼岸同登

其二

大教

陵夷枝分派行正法曰深像教曰淺二諦既徧一如誰顯

方廣終湮真空莫演

其三

誰能獨悟種智都圓思超繫表道

照機前拈草建刹指栢叅禪卽相卽實何白何玄

其四

翹翹

鳳山名藍夙敞無平不陂有復斯徃昔也莊嚴今茲灌莽

像設蕭疎停驂遠想

其五

有美僧英重啓香臺事從緣合緣

因善胎千光霧動七淨般開蘭山桂水於焉裴徊

其六

風仰

蛾眉忻聞鷺嶺其風可美修途難騁館宇新開薰修日引

戒月悲花目瞻心領

其七

經行宴坐松門蕙樓無金可繪有

石堪留銘題翠琰字勒銀鈎願見聞者同乘智舟共八萬

曆十年壬午仲冬

金陵梵刹志卷二十六

中刹金陵寺

勅賜

在都城定淮門內北城天策衛地南去所統天界寺十

五里

殿堂金剛殿

參

左鐘樓

壹座

右鼓樓

壹座

真武殿

參

左伽藍

殿右祖師殿

參

大佛殿

伍

迴廊

捌

方丈

壹

所僧院

禪堂貳層

陸

基址拾畝

南至官巷

東至官街 西至項家岡 北至溫家岡

公產地山

共貳拾畝

金陵梵刹志卷二十七

中
荆蒼雲崖嘉善寺 勅賜

在郭外南去所統天界寺三十五里神策門五里北城
牧馬所鉄石山地相傳是達摩渡江處山椒有石佛閣
建立不知何代正統間僧法通見而掛錫因建寺奏
賜今額山深樹古垂藤絰壁有蒼雲崖砢研欲墮奇怪
異狀一閣開橋臨其左有一線天雲穿霞漏巖壑之幽
絕者所領小刹曰崇化寺募府寺吉祥菴妙泰寺三塔
寺

殿堂天王殿參大佛殿參佛堂參蒼雲閣參方丈伍僧

院

陸房

某址拾伍畝

東至草汝洪山

西至官路

南至王一江民北至鉄石岡

公產田地山

共肆拾肆畝

山水一線天

山後有石壁如屏高峻霞表中坊梁親天光僅露一線故名

蒼雲崖

有平石突起如拳圍可數丈焦太史移閣於山左向崖開輪而石之奇得坐賞焉

重修嘉善寺記略

明南吏部考功郎鄭宣化

英廟時有祖堂僧法通者來遊鉄石山見山西椒有石佛
蒼蒼不知其何自始幽深秀阻人言達摩曾此渡江處因
掛錫焉訪者來通爲說法皈依者衆區隘莫能容通捐貲
兼募買山爲住錫計無量殿天王殿觀音殿法堂以次修
舉訖工如京師通政使李公錫爲引奏制曰與做勅賜

嘉善寺正統八年二月十五日也嘉靖間殿堂圯壞金像
露頂而坐住持大智募於十方支頽緝窳如初未幾濕漬
蟻齧不二十年支緝者腐敗且半松爲住持思續先績復
募而重修之於是寺復煥然增新視崇化幕府獨擅雅勝
矣 萬曆五年六月日

重修嘉善寺募緣疏

明修撰秣陵焦竑

金陵古佳麗地而北郊爲最非獨湖山秀映爲選勝者所
耽游抑亦車馬聲跡寔棲真者所樂就也而嘉善又獨居
其勝彼其瞻鍾阜枕大江俯澄湖挾幕府闢天石壁鑿自
五丁滿地藤蘿幽參二酉而山門未移法王焉妥禪堂未

建雲水無依此桂軒上人所以喟焉而永嘆也余嘗謂今時人士小治園亭瀛窮水陸雖捐數十百金弗惜至飯一僧葺一刹卽半菽一毛拊心獨痛則以執我我所曲士之恒情自利利他通人之達節未易同日譚也誠使探奇韻士伎佛高人飄然命駕一徜徉於此山松風水石之間將焦渴之腸頓霑甘露而塵勞之性暫獲清涼必有五體齊捐七寶爭施者因書以俟之

嘉善寺蒼雲崖修葺疏 明修撰秣陵焦竑

南都山水聞天下而城東北爲最玄武湖幕府山梅花水燕子磯相綺錯而以巖石勝者嘉善寺蒼雲崖爲最諸石

森列竒勢迭出或盤坳突怒如靈丘或端巖挺立如正土
或纘而潤如珪璧或廉而剌如劍戟或蹲如怪獸或削如
橫几至其攢簇而輻輳深靜而窈窕行之而臨下若谷望
之而闕天於隙晴雨異狀煙霞弄色雖非閔鉅之觀而百
仞一拳千里一瞬達者有真賞焉第閣當巖腰勝障其半
且頽墮不支久矣往姚郡伯叙卿見曰此一移置之庶閣
之頽可支石之勝盡出而卒不果今歲新安張君康叙同
謝君少廉洪君禮卿王君曰常遊而樂焉與郡伯君語悉
懸合乃謀於余及常君國寶約名勝士相與醵錢撤而更
之夫古之嗜石者如唐之平泉宋之艮嶽非不鉤深致遠

獻瑰爭竒然輦巉巖凌險阻歷歲月疲工力可致以成亦可徙而去未幾委棄道路淪落草莽徒以增今昔廢興之歎孰若茲崖一丘一壑坐而得之使問禪者可憇攬勝者忘歸致足樂也諸君子必有離世樂道能成斯志者其亦以此告之 萬曆甲辰夏日

遊嘉善寺

明顧璘

蒼石斲蒼雲誰遺空山裏藤蘿覆細路披煙得竒詭巉巖負龍脊哈呀露盤齒修竹照人清幽花傍泉紫樹古歪危根欲斷不可止金陵百名勝無地可

隋龔知秘

匿胡乃爾天地終劫灰況我二三子取笏端下拜託交自

今始

嘉善寺石壁

明焦竑

平生寡所營幽期在林壑及辰訪雲根巾車蔭蘭薄山阻
覺徑紆苔滑嫌足弱危嶺罨綠蘿空庭下鳥雀崖傾石欲
墜澗折泉如約一線喜披豁雙壁驚峭崿行看巖腹穿坐
知谷口拓朋儕笑相顧文酒時間作風微結篇翰嘯傲寄
杯勺誰言賞心遲投老幸可託

小崇化寺

古刹

勅賜

在都城外西北南去所領嘉善寺半里神策門五里北
城李子岡地相傳古刹名高峯院 國朝正統間重建

賜額今殿宇就圯重修未竟山巖下一小池方尺泉自下起處沸出水面若散花復暗流細澗出山下山多梅因名梅花水

殿堂佛殿

參

僧院

參

基址拾畝

東至

鐵石岡

南至官

路西至官路北至

山宮

公產田山

共

參拾捌畝

山水梅花水

其源自石隙中湧出味甘美每

一升與他水較重數兩

崇化寺碑記略

明吏部尚書蕭山魏驥

都城之北距六七里有嘉境焉清淨幽邃東連蔣麓西枕大江負林巒而面 楓宸左嘉善而右幕府羣山如抱松

繪蔚然中有古刹名曰高峰不知何代創建也 國朝大興聖教度越前古作樂章而讚佛錫徽號以崇僧法王之名昭示遠邇中外建精舍名藍 內苑起大善寶殿招提勝境遍布天下正統紀元以來名山福地益信益崇是以菩薩戒弟子父祝等各出已帑鼎新重建工既畢奏請寺額 勅賜崇化之號 正統九年丙寅春二月

詩
梅花水

明焦竑

投策長林外浮杯曲水隈影挂頰寫翠香冷不關梅雨脚
添新藻雲根翳淺苔煩襟端可滌欲去豔徘徊

古刹
幕府寺

在都城西北南去所領嘉善寺二里神策門五里牧馬
所留守後衛北城地幕府山晉元帝渡江王丞相導嘗
建幕駐軍于此國經云梁天監中武帝與寶公來遊始
建爲寺名同行一名聖遊後改秀巖院嘉祐中又改寶
林寺 國朝如今名萬曆庚子重修林岫督然幽灑深
靜達摩洞前可瞰大江寺旁有蘆數千枝相傳達摩折
以渡江之餘

殿堂大佛殿

參

觀音殿

參

僧院

壹

基址參畝

東至官山
南至官使

西至金家園
北至達摩洞

公產田地山

共壹百貳拾玖
畝伍分伍厘

山水幕府山

魏人至瓜步文帝登此山觀形勢

北固峯

山南

夾蘿峯

一名翠蘿

山在寺西北

達摩洞

洞寬廣可二三丈洞前可望大江

仙人臺

中峯

虎跑泉

中峯

古蹟附五馬渡

山前晉元帝與彭城諸王五人渡江處

梁武帝石牀石榻

孫權時物

武帳岡

在幕府山東南岡側有武帳堂宋武帝嘗以開酒禁宴于此勅諸子且勿食至

會所賜饌日肝食不至有饑色乃戒之曰汝曹少化長豐佚不見百姓艱難今使爾識有饑苦知務

龍亭

即晉元帝五馬渡江一化爲龍處因名亭以上俱無考

人物梁達摩

有傳寶誌與同遊

幕府寺修造記

明修撰秣陵焦竑

都城西北十餘里有幕府山晉元帝自廣陵渡江丞相王

公茂弘建幕府於此山因以名西有宋明帝陵及茂弘溫
太真墓石徑上出青巖翠蔓蒙絡葳蕤與風推移名夾蘿
峰亦名翠蘿峰又上洞門窈然可望可居長江迴合極目
千里與鍾陵繖山相縈帶登覽奇處也寺在山椒稍東圖
經云梁天監中武帝與寶公來遊見林巒殊勝始建爲寺
名同行一名勝遊後改秀巖院嘉祐中又改寶林寺法堂
琪樹鬱然梅摯詩影借金田潤香隨壁月流遠疑元帝植
近想誌公遊指此也余外王父徐公瑩去寺二三里許嘗
攜兒輩歲一至焉崇化嘉善二刹臚列而茲寺垂地傾椅
不支自成化甲午以來不葺者百三十載矣萬曆庚子僧

如方如覺抽衣鉢之餘積合檀施之淨貲凡幾百緡撤而
新之爲大殿者二如其法作佛菩薩於中與十八尊者相
好皆備堂皇高廣焚燎有嚴光輝燁然風物具美時一升
其間玄湖之水木鍾阜之雲物雜沓而入相爲澄曠與二
三子顧而樂之二僧請爲記余攷六朝史王氏自茂弘而
下子孫有傳者至七十餘人功名家世之盛自天地剖判
以來所未嘗有也然去之甫千載尋其墓於荒榛野草間
皆無知者以彼祖詒孫燕業著名尊可謂六代之宗工一
方之華胄已而猶然泯泯如此况夫么磨宵人弄其區區
之智力排善良攫貴富譬之衝鷗之一螢而欲其久存豈

可得哉若茲寺盛而衰衰而復盛雖屢起屢仆而卒還其
舊觀以此知道在世外良非虛語而夢幻之榮名不足言
也二僧器宇樸雅可愛其爲人精敏而謹嚴鄉人信之成
此當無難者而此地有茂弘太真之遺跡與陳霸先周文
育之戰功旣令人感慨嘆息而竇公嘗遊於斯尤足以發
來者景行之心故強爲記之諸捐貲者載其名於碑陰不

書

游幕府寺記

明兵部尚書喬宇

予每游梅花水水在崇化寺後石竇隱隱而出注於池其
寺之山蜿蜒起伏背向相望地頗幽遠蓋出都城北十餘

里後聞幕府山卽去寺二里許實相連屬癸酉仲秋出遊
從李子岡西行與梅花水之路實歧於此乃緣山二里許
山之闕見寺之殿脊由徑迴曲度石橋入寺寺荒落頗幽
後一室有石榻云吳王所棲又有蘆數枝云古僧達摩渡
江折於此此其所遺也皆漫不可考出寺一徑登山至一
絕壑但見江水洶洶於前崎嶇不可行復折南至山脊平
曠處跌坐云此地卽晉王導迎瑯琊王東渡建幕之處也
山名取此又登至巔見江流浩渺兼葭楊柳田疇沙渚相
帶遠近征帆漁艇輕鷗飛雁歷亂於前時草黃落路滑兩
人掖之而下緣山曲又足向北行至一巖空洞窿起下臨

江流云達摩嘗息於此子篆題達摩洞三字并識歲月與同遊者姓名兩峯相夾處有小城堞蓋都之外郭阻山帶江者也其峯名夾蘿亦釋氏家之說相傳至今

達摩祖師傳

神僧傳

菩提達摩南天竺婆羅門種梁武帝普通初至廣州刺史表聞武帝遣使詔迎至金陵帝親問曰朕卽位以來造寺捨經度僧不可勝數有何功德師曰並無功德帝曰何以並無功德師曰此但人天小果有漏之因雖有非實帝曰如何是真功德師曰淨智妙圓體自空寂如是功德不以世求帝問如何是聖諦第一義師曰廓然無聖帝曰對朕

者誰師曰不識帝不省玄旨師知機不契十九日遂去梁
折蘆一枝渡江二十三日北趨魏境尋至雒邑初止嵩山
少林寺終日面壁而坐九年遂逝焉葬熊耳山魏宋雲奉
使西域迴遇師于葱嶺見手攜隻履翩翩獨逝雲問何去
曰西天去又謂雲曰汝主已厭世雲聞之茫然別師東邁
既復命明帝已登遐矣追孝莊卽位雲具奏其事帝令起
墳惟空棺一隻革履存焉

(詩)

登幕府山絕頂

明顧璘

江山開壯觀風日澹清秋攀陟良多險登臨足寫憂洲橫
鋪練出江拂畫屏流霽景千巖秀鳴淙萬壑幽風帆天際

滅沙烏鏡中浮今古興衰地乾坤浩蕩遊長歌懷徃代遐
覽託冥搜名相今誰在神僧不可求唯餘山水地作險鎮
皇州

夾蘿峯

明顧源

紅日纔生暘谷東魚龍吹浪曉濛濛徜徉笑指三山路玉
竈銀牀紫霧中

遊幕府寺

明王韋

將軍分幕府昔駐此山隈事往遺墟在年深古殿開石牀
橫蔓草巖洞長莓苔遠砌黃蘆遍無因隻屨來

達摩洞

明焦竑

禪龕公綠嶼石洞俯滄波風雨江聲壯魚龍夜氣多停杯
今日望飛錫向時過欲問西來意踈鐘度薜蘿

小 剎 吉祥菴

在都門外白土山北城地東北夫所領嘉善寺四里南
去神策門二里

殿堂華光殿

參

佛殿

參

僧院

壹

基址

參

畝

東至大路
南至官墳

西至官墳
北至蔣家山

小 剎 妙泰寺

在都城外北城龍江右衛地東去所領嘉善寺五里南
去神策門四里成化年初嘉靖間傾廢今止數楹僧棲

泊焉

殿堂佛殿

參僧院

房基址伍畝

東至蔡家民田

南至蔡家民田 西至官街

北至陳家坟地

小判三塔寺

勅賜

在都城北瀋陽左衛北城地東北去所領嘉善寺五里

南去神策門一里 國朝永樂間雞鳴寺住持德琮奉

旨于靈谷寺建法會因口奏與爲雞鳴寺塔院後正統

間僧智源啓奏 賜額如舊萬曆間傾圮募緣重修

殿堂山門

參天王殿

伍大佛殿

伍僧院

房基址伍拾陸

東至徐府山

南至楊家民田

西至劉家田 北至官水溝

〔公產〕田地山塘

共玖拾柒畝伍厘

〔古蹟〕附寒光亭

見舊志今無存

〔三塔寺新修記〕

明修撰秣陵焦竑

留都城之北鍾山玄武湖之側有寺曰三塔其先本以唐
廡受名僧智源禪誦其中永樂十四年文皇帝北伐時
昭皇帝監國智源者啓奉令旨得改建爲寺至正統三
年始賜今額迨今幾二百祀矣世代既遠風雨蠹蝕于是
殿堂門廡竄構架于傾圮丹青黝堊剝崇飾爲無色而使
日城慈室之區不具莊嚴攝心問道之輩失所瞻嚮蓋弘
六度之施修二梵之福者不見其人亦久矣至是而住山

濟安者乃發大願謂當吾之世而任其損敗如釋種何憫然以修復爲已任而三利無所出則以惠淳等力能勸導以募化屬之於時聞聲喜捨依法願助者莫不負財糜至以樂厥成蓋經始于萬曆乙丑六月以壬辰十月而工訖焉而寶殿成於流銀列楹昭乎煥景仍鶴林之舊趾改龍刹之新觀矣住持慧億以工役歲月不可無紀遂礲貞石以載之余惟佛之成道成在伽耶耳乃其國中精舍列凡惟五而阿育王所起至于有八百其爲沉沉甚夥矣然而佛身無爲不墮諸數假令有所住曾不三宿去之如是種種招提意以無著之心必不棲棲於是而在震旦之中卽

多置之不增於阿育少置之不減於伽耶也若三塔者始
焉創其無茲焉葺其有宜無輕重于佛土而顧若是不可
已何與吾想東土之爲寺始也蓋以處摩騰也今都城內
外精藍星錯豈直變置祇陀移之神地崇以嚴祀如廕龍
華而顛顛爲佞佛地哉蓮宇花宮葢以爲勝流法侶棲託
之所也故四輩旣繇則五重爲隘將來未益則已故宜新
茲寺之修葺所以不容已者而因是余有說夫凡棲託於
是何爲者背親違家依林藉樹固以勤行苦行祈證成佛
云爾而性體本圓金剛不壞非若傾頽摧剝之待於增修
卽法卽心心無非法非若梓材埏埴之資於外假願以願

力爲役徒以毘尼爲繩墨以精進不二爲執作以解脫離
滅爲落成是入道之工程而證果之匠石也所謂覽劫雖
遼修焉如嚮命之曰真修不慙媿釋種其人矣如或不然
而徒以層構孔碩爲皈依以金碧焜燿爲色相是亦歸木
巧於流遁以鴻教爲逋藪云爾何貴於修葺之爲吾故終
言之以爲來者告庶惕於斯言不虛爲三塔也者而與罽
賓之兩塔並著爲淨域也永永其無極哉 萬曆癸巳仲
春

詩

三塔寺寒光亭詩

宋張孝祥

亭依三塔占清幽松竹環除翠欲流曉色晴開千丈月波

光冷浸一天秋瓊瑤影裏詩僧屋雲錦香中劍客舟風送
不知何處笛鴈聲驚起荻花洲

金陵梵刹志卷二十八

中
普惠寺 勅賜

在都城外東去三山門半里東南去所統天界寺七里
永樂間爲唱經樓天順年重修 賜額每正旦節百寮
於此拜送表箋今禪院重建法席新開玄風漸興

殿堂金剛殿

楹參

正佛殿

楹參

左伽藍殿

楹參

方丈

楹拾捌

僧院

拾參
房

基址伍拾畝

東至城河
西至官街

南至官街
北至造船廠

禪堂正

拾參
門

十方堂

楹參

大禪堂

楹參

祖師堂

楹參

靜室

楹貳

厨庫等

房
楹參

公廩租房

壹拾
參間

房地


貳拾參
間

地

壹
畝

禪堂租房

壹拾
肆間







右海子風景



金陵梵刹志卷二十九

中
燕子磯弘濟寺 勅賜

在郭城觀音門外燕子磯北城地南去所統天界寺四
十里神策門十里洪武初卽山建觀音閣正統初就閣
建寺 賜名弘濟殿閣皆緣崖構成危石半空嵌絕壁
上以鐵繩穿石繫棟俯臨大江咫尺望磯頭下瞰江水
如燕怒飛波濤噴激磯上有漢武安王祠及大觀亭俯
江亭皆鑿磴引綽而上與寺參差闢爽江中望之丹巖
翠壁朱欄碧樹歷歷如畫所領小刹曰清真寺觀音寺
梵惠寺

殿堂金剛殿

極

左鐘樓

極

右鼓樓

極

天王殿

極

祖師殿

壹大

正佛殿

極

無量殿

極

左觀音閣

極

左八難殿

參

右藏經殿

極

右伽藍殿

極

僧院

房

基址伍畝

東至燕子磯

磯音岩

南至城牆

西至

禪堂壹所

附

漢武安王

祠壹所

原係本寺伽藍殿今爲道士所居有記另人名祠志內

大觀亭

壹

俯江

亭

壹座

有記

公產田地山

共玖拾畝 壹分玖厘

山水觀音巖

架閣其上據山絕壁下臨大江勢極危峻憑檻凌空眺遠益覺佳處

燕子磯

山右有石臨瞰江水形如飛燕故名

大江

寺在

石闕

雙柱屹立從闕中入寺

弘濟寺碑記略

明禮部侍郎呂柟

弘濟寺在金陵寒橋之觀音岩北去都城一舍許岩洞幽
深山水縈迴巖壑遠隔彷彿乎南海之普陀岩凡官民趨
於國事商旅務於經營舟楫往來或遇風濤險阻以誠禱
之者皆獲平順應如影響洪武初年有僧號久遠道行圓
融立閣於茲遂名觀音岩後爲歸併寺宇本僧於右順門
奏奉 太祖高皇帝聖旨觀音岩與那老和尚住欽此由
是沙彌雲集香火滋盛時宣德乙卯金像剝落殿宇傾頽
乃勸於衆樂善好施者聞風而來擇正統元年閏六月十
八日肇始建 佛殿大悲閣天王殿金剛山門僧舍廊廡
丹彩相映若牆垣堦砌之堅完廡庫庖漏之工緻規模勝

舊鼎建一新不逾年而訖具以上 聞聖恩 勅賜額曰
弘濟時正統丁巳四月之十一日

遊弘濟寺記畧

明禮部侍郎呂柟

巳丑二月虛齋王子崇邀弘齋陸伯載及予同遊燕子磯
是日予獨先往北出觀音門傍山西行登弘濟寺磴數十
層寺西則觀音巖也怪石礚垂蒼黛參差上接雲霄而大
江自龍江關西南來直過其下俯案墻睇之可駭僧曰此
其下基皆石甃乃從僧上觀音閣閣亦傍巖下就江濬築
其上交豎九柱皆丹柱上棚棧構閣閣三面皆欄杆憑之
瞰江若在樓船頂立也是時晴見萬里日映碧流江豚吹

浪上下西望定山如蛾眉東指瓜步如丘垤他山皆閃閃
冥冥如落雁蹲鴻不可辨矣昔予在解州嘗遊龍門眺砥
柱登流丹亭汲河烹茶以弔禹墳至此乃勃然興懷將天
下奇觀尚有過斯二者乎閣東崖有白巖喬公篆書刻石
上而虛齋弘齋皆至乃復同升閣上流覽數賞虛齋乃招
二篙師泛舟往至觀音港登壽亭侯廟先至水雲亭遂上
謁壽亭侯左有大觀亭至此看江日隱斷雲煙霧霏微蒼
茫無際矣遂攀松捫蘿以上燕子磯磯皆巉石疊起水圍
三面其石罅猶見江轉磯底可以高覽八極也

詩
登觀音山

明宗臣

一上孤峯破大荒，吳山楚水更蒼茫。
雲間棟宇垂天渚，江上鼉鼉吹石梁。
絕壁畫開風雨色，斷虹秋挂薜蘿長。
吾將從此尋瑤草，黃鶴天風好共翔。

登觀音閣

明柴奇

海湧蕊珠宮，飛凌萬木中。
湖生朝閣迥，雲出夜堂空。
雁落平沙白，鷗鳴孤嶼風。
凭闌幾怯步，吳楚一帆通。

登觀音閣

明陳鳳

縹緲飛樓前江水，滙諸天魚龍。
掀舞浪花碎，鼉鼉隱見波。
光偏高歌對酒當，此閣破浪乘風。
何處船且須吸盡江中水，
還向石頭來問禪。

遊觀音閣三首

明張時徹

春江一雨過樹樹水禽喧
草色沒羅幃沙光轉石門
戍樓雙角泐客路片帆昏
水靜月來早松醪正滿尊

同是宦遊客來登江上樓
牕中雲不減舄下水長流
日薄海西樹烏隨沙際舟
長吟未能去宴息草堂幽

曲水寒橋路斜陽燕子磯
星河浮海嶠魚鳥詫春衣
金碧雲俱落魚舸月已輝
爲官得水宿顛倒話松扉

遊燕子磯

明張鏊

燕磯千尺白浪洪波霜磴連
雲晚歲過一色遠空飛鴈鷺
九江浮沫聚龜鼉亭依峭石
苔文古幔捲中流樹影多岸蹟

潮平閒對酒寒煙深處起漁歌

燕子磯

明陳芹

燕子磯頭江影低俯觀千障隔林迷空江雲合水龍出高
樹月明山鳥啼竹露瑤觴秋瑟瑟天風玉管夜淒淒當年
攜手人何在滿壁蒼苔沒舊題

九日泛舟燕子磯

明楊文卿

曉露簪初聚江風帽欲斜寒磯無燕子秋岸有蘆花煙起
籠丹竈石沉浸彩霞未由解塵鞅爛醉卧漁家

飛閣流雲氣懸崖漱浪花乍翻滄海日遙逼赤城霞衲子
煙爲幙漁郎石作家茫茫浮世界咲指片帆斜

燕子磯

明顧璘

名山意自勝臨水廻轉幽况茲燕磯秀復枕澄江流孤根
託何所上抱雲中樓空明瞰水府下見鼉鼉遊衝濤蕩危
石翻恐地軸浮元氣旋混茫長風吹不休西來疊浪色發
自岷峨阪杳藹衆山影依微行客舟徙倚白日暮極目令
人愁

登燕子磯次浚川韻二首 明王維楨

蔡生期久榮主父嘆日暮始圖豈不偉終稅寂無趣伊余
慚豹姿敢云附隱霧睽茲清江流前種蒼桑樹四節逝不
居奄忽改芳杜因之慕幽人冀與訂良晤天外狎鷗羣雲

中躡山路所嗟乏羽翰萬里安能去弱冠事遨遊廿年承
雨露戀恩恩未酬檢齒齒非故驅逐將何如徒令鬢髮素
旅客苦未央日夜相糾錯雖云厠纓冕何異坐窳約散步
出郊圻倏登川上閣波長情旣延景異跡仍泊目睇江雲
卷意屬渚禽落祗令鄉思馳轉覺衣帶濶行止嗟誰尤悔
吝亦自作王喬厭塵劫屈平嗜蘭薄往哉無淹駟去矣有
飛鶴窈窕二山秀靈怪五丁鑿且共同懷子相從覓所樂

小觀音寺

在郭城觀音門外北城寒橋地南去所領弘濟寺三里
神策門十五里舊在鷹揚衛地因江流噴蕩嘉靖末移

置於此因舊額

殿堂山門

壹

天王殿

叁

佛殿

叁

僧院

壹

基址貳畝

東至鱗魚

廠

南至馬房倉

西

至顧家冲北至大江

〔文〕重修觀音寺碑略

明南尚寶卿許穀

金陵都城之北置觀音門以爲內衛門之外弘濟寺漢壽亭侯祠在焉襟江枕山民居稠密語地勢之壯盛者莫踰於此環江立鱗魚廠以薦上新廠前勅建觀音寺俾護國安民昭示久遠而寺之故地在鷹揚衛地方因江湖泛漲旣蕩于水而故寺弗存久矣迺今建於鱗魚廠左隙十有八年住持靜潔苦心修行永懷圯廢詛盟於神遐

邇匍匐投緣疏募是以施地損財有里人陳陟協力贊助爰計累儲之數衍溢十千於是彙般爾之徒效姬魚之智梗楠良而楹櫨中焉甄擾習而甃概工焉丹碧繪而綵飾炫焉金錯精而鎔範成焉搏換巧而像備儼焉庶品協豫師匠奏能力萃諸人而庸底就規孔曼且碩神用孔安而寺建落告成矣然寺以觀音名者緣世人奉持觀世音菩薩名號而念彼觀音力者禍福還著於本人是知福善禍淫佛德無量無邊而寺之來有自矣夫以一寺之興廢雖存乎時而成否則由于人靜潔發厥善念復修此寺誠無愧于佛家弟子而施捨諸人之善根豈淺削哉 萬曆八

年庚辰孟夏

刹小清真寺 古刹

在郭城觀音門外北城鍾山鄉南去所領弘濟寺五里
神策門十五里有僧南洲塔成化間建寺按元金陵志
云乾道志清真寺舊名清玄寺梁大通元年置復廢唐
大中中復置慶元志舊有梁時佛像建炎兵焚陳軒集
載梁立曦次韻周幢清真寺詩遺像梁朝佛卽此

殿堂山門

臺

觀音殿

臺

正佛殿

臺

寶公殿

臺

僧院

房

基

址拾畝

東至本寺田南至官路

西至本寺山北至本寺山

公產田地山

共六拾畝

分政廳

金陵梵刹志卷二十九
小梵惠寺

在郭城姚坊門外北城地西去所領弘濟寺十里南去
太平門三十里按舊志原在鍾山白水注洪武初卜葬
中山王墓因移置此地礎礎尚在

殿堂

山門

參佛殿

參觀音殿

參僧院

肆房

基址

參畝

東至

本寺

寺

墳地

南至本寺田

北至本寺山

西至

本寺地

公產

田山

共貳拾陸畝

玖分參厘

金陵梵刹志卷二十九

終